

BASES DE PARTICIPACIÓN NA FEIRA SADA COMERCIO - AGOSTO 2024

1. CAL É O OBXECTO DESTA PROPOSTA?

O obxecto destas bases reguladoras é o de establecer as condicións de participación na Feira Sada Comercio, que se organiza para promover o comercio local e o consumo de proximidade no Concello de Sada. As bases regularán o procedemento de inscrición e de solicitude de autorización para ocupar un posto de venda nesta edición da feira.

Sada Comercio instalarase no Paseo tralo edificio modernista La Terraza, por tratarse dun espazo público, céntrico, amplo e accesible. Na zona instalaranse ata un máximo de 25 postos destinados ao comercio polo miúdo, con venda de mercadorías por parte de comercios de Sada. A feria celebrarase os días 3 e 4 de Agosto do 2024.

2. QUE NORMATIVA REGULA A CONVOCATORIA?

- Ordenanza municipal núm. 16 reguladora da taxa por instalación de postos, barracas, casetas de venda, espectáculos ou atraccións situadas en terreos de uso público, industrias da rúa e ambulantes e rodaxes cinematográficas.
- Lei 13/2010, de 17 de decembro, de comercio interior de Galicia (art. 21 Mesa local do comercio art. 86-87 venta ocasional. Art. 94 Feiras de oportunidades)
- Lei 7/1985, de 2 de abril, reguladora das bases do réxime local.
- Lei 39/2015, de 1 de outubro, do procedemento administrativo común das administracións públicas.

1. A QUEN VAI DIRIXIDA ESTA PROPOSTA?

1.1. COMERCIO DE PROXIMIDADE – POSTOS DE VENTA:

A Feira Sada Comercio 2024 vai dirixida ao conxunto do sector do comercio do Concello de Sada, independentemente do seu ámbito de venda, para cumprir co obxecto e finalidade da proposta. Poderá solicitar un dos 25 postos dispoñibles calquera establecemento comercial con sede social en Sada.

O prazo de solicitude iniciará ás 00:00h do día seguinte da publicación destas bases na páxina web municipal (www.sada.gal) e rematará o 1 de agosto de 2024.

4. COMO INSCRIBIR A UN ESTABLECIMENTO E DE QUE PRAZO DISPOÑO?

Para inscribirse haberá que facer o seguinte:

- Os comercios interesados deberán presentar no Rexistro Municipal (sede.sada.gal) o ANEXO I, coa documentación que se sinala.
- Se algunha solicitude estivese incompleta, a persoa interesada será requirida para emendala, concedéndolle un prazo máximo de 2 días para facelo. No caso de non completala no prazo límite establecido, entenderase que se desiste da solicitude de participación.

A forma de presentación das inscricións poderá realizarse de forma telemática ou ben presencial, segundo establece o artigo 14 da Lei 39/2015, de 1 de outubro, do procedemento administrativo común das administracións públicas:

- No caso das persoas xurídicas (empresas, entidades...), a presentación da inscrición **deberá ser telemática** a través do Rexistro Electrónico Municipal (sede.sada.gal).
- As persoas físicas (autónomas/os) poderán optar por presentar as inscricións tamén de xeito telemático (sede.sada.gal) ou ben, se o prefiren, de xeito presencial na oficina do Rexistro Municipal (horario de 9:00 a 14:00h).
-

4. COMO VAI SER O PROCESO DE SELECCIÓN?

4.1. SELECCIÓN DE COMERCIOS DE PROXIMIDADE – POSTOS DE VENTA:

A Concellería de Promoción Económica seleccionará os comercios participantes no Sada Comercio 2024 seguindo os seguintes pasos:

- **INICIO:** A Concellería de Promoción Económica tramitará as solicitudes e revisará que cumpran coas condicións de participación do evento.
- **CONCESIÓN DIRECTA:** No caso de que o número de solicitudes non supere o número de postos ofertados (25), a Concellería propondrá todas as solicitudes correctas para ocupar os postos dispoñibles.
- **SELECCIÓN PREVIA:** No caso de recibir un número de solicitudes maior que os postos ofertados, a Concellería de Comercio aplicará os criterios de selección da base número 6 para establecer unha orde de prelación entre as solicitudes. As 25 inscricións que resulten mellor valoradas serán as que se propoñan para ocupar os postos de establecementos participantes no “Sada Comercio 2024”. A lista de comercios seleccionados publicárase na web www.sada.gal e cada un deles recibirá unha notificación por medio de correo electrónico e mediante mensaxe enviada ao seu teléfono de contacto.
- **REXITAMENTOS:** No caso de que algún dos comercios seleccionados rexeite o seu posto ou non poida asistir, outorgárase a concesión ao seguinte establecemento na orde de prelación.
- **AXUDAS E TAXAS:** Esta convocatoria non contempla a xestión de axudas económicas. A proposta ten formato de mercado ambulante organizado en espazo público. A actividade está promovida pola Concellería de Promoción Económica, Turismo e Participación Cidadá que desexa incluíla como un contido máis para promover o comercio local e o consumo de proximidade no Concello de Sada. Por estes motivos, a Concellería de P. Económica propón que a proposta se encadre a exención de taxas ás persoas participantes. Esta medida ten amparo nos seguintes aspectos legais:
 - A Lei 7/1985, de 2 de abril, Reguladora das Bases de réxime local establece as competencias municipais. No seu artigo 25.2 i) sinala que os concellos teñen competencias para a organización de “feiras, abastos, mercados, lonxas e comercio ambulante”.
 - Na Lei 33/2003, de 3 de novembro, de patrimonio das administracións públicas está recollida a posibilidade de autorización para a ocupación dun espazo público de xeito gratuíto. No seu artigo 92.5 recóllese o seguinte: “Las autorizaciones podrán ser gratuitas, otorgarse con contraprestación o con condiciones, o estar sujetas a la tasa por utilización privativa o aprovechamiento especial de bienes del dominio público estatal regulada en el capítulo VIII del título I de la Ley 25/1998, de 13 de julio, de Modificación del Régimen Legal de las Tasas Estatales y Locales y de Reordenación de las Prestaciones Patrimoniales de Carácter Público, o a las tasas previstas en sus normas especiales”.Por último, a Ordenanza municipal reguladora da taxa por instalación de postos, barracas, casetas de venda, espectáculos ou atraccións situadas en terreo de uso público, industrias da rúa e ambulantes e rodaxes cinematográficos, regula que non están suxeitos ao pago da taxa «Os actos organizados polo Concello de Sada ou patrocinados por este, en virtude dun previo acordo ou resolución».

POSTOS VACANTES: Se quedasen postos vacantes despois de realizar todo o proceso de selección e concesión, a Concellería de Promoción Económica poderá:

- Ofertalos a aqueles comercios que marcasen na súa inscrición o seu desexo de dispoñer de 2 postos
- Destinar os postos vacantes a entidades do terceiro sector para realizar campañas de concienciación a favor de cuestións de interese xeral.

PARTICIPACIÓN MÍNIMA E MÁXIMA: a organización do Sada Comercio 2024 está condicionada á obtención dun mínimo de 15 participantes. No caso de ter menos de 15 solicitudes correctas, considerarase que a proposta non tivo a repercusión e aceptación mínima como para facela sostible e desistírase da convocatoria, notificando a decisión ás persoas interesadas.

4. COMO SE PUNTUARÁ AOS ESTABLECEMENTOS QUE SE INSCRIBAN?

Unicamente no caso de que sexa necesario realizar unha comparación entre as solicitudes recibidas, a Concellería de P. Económica requirirá ás persoas interesadas para que presenten a documentación necesaria, como poden ser: certificados de situación censual, certificados de produción, carné de artesá/n, informe de persoas traballadoras en alta (Seguridade Social) ou outra que permita aplicar os criterios de selección.

4.1. COMERCIO DE PROXIMIDADE – POSTOS DE VENTA:

En relación coa finalidade de promover o comercio de produtos de proximidade propónse o seguinte criterio:

Produtor/a local ou comercio de produtos locais (máximo 10 puntos)	
Produtor con carné de artesá/n e sede social no Concello de Sada	10 puntos
Comerciante de produtos con certificado de produción dentro da área xeográfica da Reserva da Biosfera Mariñas Coruñesas e Terras do Mandeo e con sede social no Concello de Sada	8 puntos
Comerciante de produtos con certificado de produción dentro da área xeográfica da Reserva da Biosfera Mariñas Coruñesas e Terras do Mandeo e con sede social noutro concello	6 puntos
Produtor con carné de artesá/n e sede social noutros concellos	4 puntos

Se tras aplicar os criterios anteriores mantense un empate entre varias solicitudes, determinarase a orde de prelación entre elas mediante un sorteo.

5. CANDO PODO MONTAR O POSTO E CALES SON OS HORARIOS?

- **DATAS:** A feira de promoción do comercio local Sada Comercio 2024 celebrarase os días 3 e 4 de agosto.
- **MONTAXE:** O horario de montaxe dos postos se iniciará a partir das 07:00 horas do 3 de agosto. As persoas encargadas das tarefas de montaxe poderán achegar un vehículo á carpa, exclusivamente para descargar material, debendo deixar libre o espazo en canto remate a descarga.
- **DISTRIBUCIÓN:** Os postos de venda terán unhas medidas de 3 x 3 m. Estarán no Paseo detrás da praza do edificio La Terraza. A distribución dos postos dependerá de criterios de xestión de espazo e de organización do certame.
- **HORARIOS DE VENDA AO PÚBLICO:** serán diferentes cada día de actividade:

03/08/24	04/08/24
11:00 – 22:00 h	10:00 – 20:00 h

A participación neste feira supón a aceptación das súas bases e, polo tanto, o compromiso de manter aberto o servizo de venda na totalidade do horario sinalado. O incumprimento desta condición de xeito inxustificable suporá a aplicación de penalizacións en vindeiras edicións.

- **VIXILANCIA DE SEGURIDADE:** a Concellería de Comercio contratará un servizo de vixilancia privada para velar pola seguridade dos produtos e materiais nos postos de venda:

SERVIZO VIXILANCIA PRIVADA SADA COMERCIO 2024	
NOITE DO SÁBADO	
Sábado 22:00 – Domingo 10:00	

Pola contra, a organización non se fará responsable dos produtos e materiais dos postos de venta durante o horario de apertura.

4. COMO SE VAN DISTRIBUÍR OS POSTOS?

A asignación dos espazos correrá a cargo da Concellería de Promoción Económica. A proposta de distribución dos postos comunicarase aos comercios e establecementos participantes antes do inicio do período de montaxe. Esta distribución poderá ser modificada pola Concellería atendendo a motivos de interese xeral e criterios organizativos.

5. QUE SERVIZOS INCLÚE A FEIRA DE SADA COMERCIO 2024.

- Postos comerciais de aproximadamente 3 x 3 m. con cuberta e lonas de peche.
- Cada posto equipará un punto de enchufe e iluminación por medio de focos LED. Cada participante poderá completar a instalación eléctrica e de iluminación aportando material propio.
- Servizo de vixilancia nocturna.

4. QUE TRATAMENTO RECIBIRÁN OS MEUS DATOS PERSOAIS?

Os datos persoais das persoas que atúen como representantes dos comercios e establecementos de hostalaría participantes trataranse unicamente coa finalidade de realizar a xestión da súa solicitude de participación e a liquidación do importe das taxas que corresponda. A duración do tratamento dos datos será a necesaria para o desenvolvemento e xestión desta convocatoria. Serán destruídos no prazo máximo dun mes dende a finalización da feira, salvo que sigan sendo necesarios para algunha xestión de interese público ou por razóns de arquivo. Os datos serán incorporados ao sistema de tratamento do Concello de Sada e, segundo as condicións reguladas legalmente, vostede poderá exercer os seus dereitos de acceso, rectificación, supresión (dereito ao esquecemento), portabilidade, oposición e limitación do tratamento. Os datos non serán obxecto de decisións automatizadas nin serán compartidos con terceiras entidades (salvo no caso da xestión fiscal coa AEAT), nos termos que se establecen na lexislación vixente en materia de protección de datos. Para realizar consultas relacionadas coa xestión dos datos, as persoas interesadas poden dirixir a súa petición ao enderezo postal Av. da Mariña 25, 15160 Sada (A Coruña) ou ben facelo a través do enderezo electrónico dpd@sada.gal.

5. A QUE ME COMPROMETO COA MIÑA PARTICIPACIÓN?

As persoas e establecementos, a través da súa participación dan conformidade e aceptan o contido das presentes bases na súa totalidade. A organización terá a facultade de dar por finalizada a participación de calquera comercio que incumpra de xeito flagrante as condicións que establecen estas bases, ou ben que co seu comportamento poña en perigo a seguridade das instalacións e das persoas usuarias. O órgano competente para a ordenación e instrución desta convocatoria será a Concellería de Comercio, mentres que a resolución do procedemento derivado das presentes bases será a Alcaldía.

Sada, na data da sinatura dixital

O Concelleiro de Promoción Económica, Turismo e Participación Cidadá

Ricardo Berrocal

ANEXO I

SOLICITUDE DE PARTICIPACIÓN NO SADA COMERCIO 2024:

SOLICITUDE DE POSTO DE VENTA - COMERCIO	
NOME DO COMERCIO:	
DENOMINACIÓN SOCIAL:	
NIF:	DNI:
TELÉFONO:	
CORREO ELECTRÓNICO:	
DIRECCIÓN POSTAL DA SEDE SOCIAL:	

DATOS DA PERSOA REPRESENTANTE:
NOME COMPLETO:
DNI:
TELÉFONO:
CORREO ELECTRÓNICO:

SOLICITA:

Participar no Sada Comercio Agosto 2024 que se celebrará os vindeiros 3 e 4 de Agosto. A persoa solicitante manifesta coñecer e aceptar as Bases reguladoras e declara que se compromete a respectalas, así como a cumprir a normativa sectorial que lle sexa de aplicación en función da súa actividade.

Sada, de Xullo de 2024.

Asdo.: